

欽定剿平粵匪方略

欽定勦平粵匪方略卷三百七十八 甲子年

五月二十二日

辛酉

僧格林沁奏言四月二十一

日頭股髮逆竄至羅山迤南仙花店一帶二股髮逆由德安迤北馬平港等處渡過府河竄踞應山之駱家店經蘇克金傅振邦等帶領馬步各營追至應山之劉家店分路包抄該逆拚命狂奔二十五日蘇克金等探得該逆在小河司

一帶盤踞卽令馬隊紮於山頂以備應援步隊
向前迎敵槍箭齊施並令營總烏爾圖那遜自
右抄擊賊後該逆始行退去蘇克金巴揚阿探
得三股髮逆陳得才自西路阜市奔至平林市
由府河東竄欲與前股合夥當撥馬隊各營進
紮五月初二日在應山陳家畝接仗該逆分四
股迎撲卽被我軍擊退斃賊多名訊據獲賊供

稱陳逆盤踞宋河欲竄襄江不能搶渡因宋河
地方無處打糧欲竄黃州以備裹糧設或不能
東下就在黃州避伏將來仍欲沿江而下等語
臣仍嚴飭蘇克金等馳往迎擊並函致督臣官
文督飭所部各軍實力追擊又嚴飭水師於沿
江一帶認真堵禦勿令偷渡其前派副都統色
爾固善總兵張曜追剿髮逆梁城富一股四月

十一日經我軍窮追該逆自鄖陽屬之羊皮灘一路潰敗竄至陝西之漫川關上津一帶勢極窮蹙所餘不過數千人既有楚陝官軍前截後追足敷勦辦惟髮逆鬪聚楚豫之黃州光山一帶是豫東邊防又形喫緊當將色爾固善張曜等軍撤回東路以厚兵力其西路殘匪卽飭鄖陽鎮總兵安貴道員梁作楫認真追勦務與陝

省官軍併力夾擊盡殲醜類並飛咨督臣官文

撫臣劉蓉嚴飭所部各軍實力勦辦毋任蔓延

髮捻各匪現在分股東竄前股由羅山仙花店

趨光山之新集等處二股由孝感黃陂東竄豫

東楚北均形喫重臣已飛札蘇克金等移營光

山與張曜等軍會合進勦臣現紮息縣以防北

路仍不時偵探賊蹤儻該逆分股東趨卽撥隊

跟追如全數東趨臣卽拔隊東下親督進剿但
期該逆竄至淮北一出稻田馬隊得有地勢卽
可竭力截擊至前奉

諭旨飭調陳國瑞一軍駐紮臨淮遵於四月二十三

日咨行漕臣吳棠檄令陳國瑞迅帶所部前往

臨淮扼紮並咨行撫臣喬松年飭令臬司英翰

帶領兵勇會剿復因髮捻各匪漸次東趨又咨

照喬松年轉飭陳國瑞英翰等軍移紮正陽關
扼要堵禦以期有備無患奏入

上命議政王軍機大臣傳諭僧格林沁官文喬松年
張之萬劉蓉唐訓方曰髮捻各匪前股由羅山仙
花店趨光山之新集等處二股由孝感黃陂向東
竄逸豫東楚北並形喫重僧格林沁令蘇克金等
移軍光山與張曜等會合進剿自紮息縣以防北

路著卽嚴飭蘇克金等將竄犯光山之匪迅卽剿
除該大臣居中調度仍當多設偵探儻逆衆東趨
卽拔隊東下以固皖省門戶陳國瑞英翰二軍著
僧格林沁喬松年催令帶隊駐紮正陽一帶扼要
堵截探賊所向迎擊喬松年當整頓兵勇備豫不
虞免致臨事周章據獲賊供稱陳逆盤踞宋河欲
竄襄江不能搶渡因宋河地方無處打糧欲竄黃

州仍圖沿江東下現孝感敗賊有直趨黃州之勢
著官文傑遵疊次諭旨嚴飭派出各軍認真剿擊
並令水師於沿江一帶堵禦勿任一賊偷渡武昌
省城防範最關緊要唐訓方督同在省文武悉心
辦理不得稍涉大意逆匪旣竄光山羅山則商城
固始均屬喫緊張之萬身任豫撫何得置身事外
著卽添調勁旅以勦爲防並催令張曜等會同僧

格林沁所派馬隊遇賊卽擊毋任賊匪東趨貽鄰
疆以無窮之患梁逆由鎮安一路竄出大峪口不
過數千敗匪而德興阿劉蓉前奏匪衆二萬餘究
竟匪數若干近日西安情形若何曾否與賊接仗
著劉蓉趕緊查明具奏並著商同穆圖善德興阿
等督率馬步各軍一鼓殄滅無再觀望遷延自干
重咎安貴梁作楫於此股匪徒竄過鄭西何以不

能追擊並著官文嚴飭該鎮道等分兵入陝助剿
不得強分畛域

同日左宗棠奏言粵逆林彩新由德興竄至弋
陽經道員王德榜一軍於四月二十五日擊敗
復竄至湖西王德榜於二十六日率各營銜枚
疾進破其一村賊擁大轎正圖奔逸王德榜與
總兵蕭得龍等追至將其護從之賊殺散見轎

內有賊目一名手刃之是役殺斃溺斃之賊約
數千名該逆由湖西敗竄至黃沙港對岸楊家
坂五羊店一帶屯踞仍圖過河與南岸之賊合
併二十七日王德榜督各營分路齊進該逆望
風潰竄王德榜揮軍分三路環攻該逆勢窮力
竭悉多偪溺水中其南岸來援之賊亦殲除淨
盡是役共斃賊千餘名生擒二百餘名內有偽

天將周濟川等賊目七名訊明卽於軍前正法
其僞烈王林彩新據獲賊供稱已被官軍偏溺
而斃惟聽逆陳炳汶濂逆汪海洋等股尙屯踞
湖坊陳坊一帶總兵王開琳已率所部移紮河
口鎮擬卽會同王德榜一軍相機進剿此次最
爲出力之浙江補用道王德榜可否交軍機處
記名遇有道員缺出請

旨簡放其餘各員并可否由臣會同江西撫臣擇尤
彙案保獎之處出自

天恩

同日沈葆楨奏冒僞烈王林彩新一股由德興
紛竄王德榜調集槍隊連環轟擊該逆棄船梟
水淹斃甚衆四月二十五日林逆由方家墩突
犯弋陽王德榜督總兵蕭得龍等分兩翼而出

內河水師參將劉世玉復沿河轟擊斃賊三千
餘名該逆竄踞湖西二十六日王德榜督隊進
攻賊猶熟睡我軍入館卽殺一村旣盡復進二
村賊覺狂走又追及於青板橋人擠橋斷落後
者皆伏地受縛賊隊有巨酋乘大轎者斃於亂
軍之中莫詳其僞號也是夜探知該逆潛聚楊
家坂五洋店等處思渡河而南與黃沙港賊合

王德榜於五鼓親督各營分三路環攻忽對岸
黃沙港踞逆從上游飛渡悍逆千餘來援王德
榜令李運龍以親兵抵住援賊飭麥錦鑾等水
陸各軍圍而殲之該逆智窮力盡死者無算解
散尤多據生擒賊供首逆林彩新已歿於水各
營將士連日血戰力解城圍殲滅巨股除閩浙
督標各營應由左宗棠查明請獎外浙江補用

道王德榜身先士卒調度有方應如何獎勵之處恭候

聖裁參將劉世玉等謹先行開列懇請獎勵其餘出力文武員弁兵勇可否由臣等擇尤優獎之處出自

天恩

沈葆楨又奏言侍逆於撫州敗後沿河上竄四

月十九日晚襲踞建昌之萬年橋二十日劉勝
祥席寶田等迎勦斃賊甚多該逆復由下游西
渡於二十五六等日分竄宜黃崇仁五月初三
日江忠朝以精捷營跟追敗之於崇仁城外殺
賊六七百人席寶田與劉勝祥統兵繼進劉典
於二十七日抵臨江將各營駐紮要隘王文瑞
仍駐永豐贛臨河道甚長戰船無多適彭玉麟

派喻俊明張瑞芳水師來援遂連檣上駛劉于
潯亦添派戰船駛赴樟樹一帶藉資扼紮至省
城兵力甚單臣飭護九江鎮總兵萬泰統兵千
餘人來省以顧根本重地咨請曾國楨酌派數
營接防湖口並飛咨鮑超兼程來援此次陣亡
之都司范得旺等懇請

飭部從優議卹以慰忠魂

沈葆楨又奏旨准總兵江忠朝咨稱提督黃仁
遺驕妄任性前在南昌娶妾嗣後屢次請假不
遵約束尤可異者江忠朝派親兵隊長江忠仁
執持令箭稽查城門該營勇丁不穿號褂恃強
闖入與親兵扭毆並將令箭折斷適江忠朝自
營入城目擊情形飭令捆拏懲辦該勇登時逃
逸黃仁遺旋即來謁口出狂言江忠朝示以折

斷令箭黃仁遺謾罵不顧昂然而去隨將前鋒
營營官關防遣人呈繳前來似此縱容勇丁陵
侮同官若不示以薄懲何以整肅營規相應請
旨將提督黃仁遺卽行革職勒令在營效力不准向
他處投效以肅軍令而儆效尤均奏入

上命議政王軍機大臣傳諭曾國藩左宗棠沈葆楨
曰林彩新一股由德興鎮直犯弋陽復竄湖西希

圖南渡經王德榜等疊次痛剿殲滅殆盡林逆亦
被水淹斃剿辦甚爲奮勉侍逆一股襲踞建昌之
萬年橋以大股西渡分竄宜黃崇仁江忠朝席寶
田等統軍繼進劉典王文瑞所部分駐臨江永豐
彭玉麟所派之喻俊明等師船復連檣上駛與會
國藩前奏大略相同贛江以西諒可無虞竄渡惟
此股賊匪著名兇悍入江以後未經大創尤宜厚

集兵力痛加勦洗曾國藩前檄周寬世七營赴援
並令鮑超一軍取道湖口九江繞出樟樹鎮迎頭
遏擊著卽催令該提督等迅速前進與劉典王文
瑞駐紮臨江永豐之軍及江忠朝等追躡各營縱
橫夾擊務將此股悍賊就地殲除迅克宜崇各城
毋任久踞一而嚴扼贛江之險杜其西竄以保完
善省城兵力單薄沈葆楨檄萬泰等所部千人入

省咨請曾國藩酌派數營接防湖口要隘著曾國藩酌量調派陳炳汶汪海洋等股尙踞湖坊陳坊一帶著左宗棠飭令王開琳王德榜兩軍乘勝進剿毋任紛竄腹地剿辦愈形棘手萬年橋力戰陣亡之都司范得旺著照都司例從優議卹外委孟春新周連勝劉友林劉嘉裕六品軍功唐占春楊啟信彭得意劉茂盛均著照外委例從優議卹沈

葆楨奏提督黃仁遺不守軍律縱勇擾害等語已
明降諭旨照該撫所請革職留營效力仍著沈葆
楨隨時察看如再不遵約束貽誤軍情或有怨望
情事卽行奏明正法毋令別貽後患

上諭內開曰左宗棠奏僞烈王林彩新由德興竄至
弋陽縣境經道員王德榜督隊追抵湖西揮軍抄
擊斃賊無算該逆敗竄黃沙港對岸楊家坂一帶

復經王德榜督飭各營約會江西水師奮力環攻
殲除尤衆逆首林彩新已被偏溺斃本日復據沈
葆楨奏王德榜一軍勦賊屢勝殲滅林逆全股弋
陽解圍與左宗棠所奏大略相同勦辦甚爲奮勉
著左宗棠沈葆楨督飭王德榜等軍迅將江境竄
匪悉數殲除毋任蔓延尤爲出力之浙江補用道
王德榜著交軍機處記名遇有道員缺出請旨簡

放沈葆楨摺內請獎之參將劉世玉著以副將儘
先選用並賞給銳勇巴圖魯名號遊擊汪懷俊著
以參將儘先選用並賞加副將銜主簿劉廷選著
以府經歷仍留江西補用並賞戴藍翎千總吳佑
翹著以守備儘先選用並賞戴藍翎武生蔡廷龍
著以把總拔補並賞戴藍翎其餘出力員弁兵勇
著左宗棠沈葆楨查明擇尤保奏

上又諭內閣曰黃仁遺由勇丁游保提督宜如何申
明紀律爲各營表率乃竟敢徇庇滋事勇丁屢次
違犯將令且敢於謁見江忠朝時肆行謾罵不顧
而去實屬膽大妄爲目無統帥卽按照軍法從事
亦爲罪所應得姑念該提督平日臨陣尙屬奮勇
著從寬卽行革職仍勒令在江忠朝軍營效力以
觀後效不准向他處投效如敢仍前驕蹇不遵調

度卽著沈葆楨按照軍法從事不准姑容其滋事
勇丁仍著嚴拏懲辦以肅軍律

二十三日壬戌官文奏冒髮逆由黃陂圖竄漢口

唐訓方於五月初八日帶隊追擊黃陂之賊已
遁趕追不及卽將六營紮於灑口以保漢口重
鎮時楊朝林由孝感之高埠橋擊賊獲勝沿途
跟追擒斬多名追至灑口水陸各軍聲勢甚壯

該逆未能逞志乘夜潛遁維時孝感雲夢之賊
由黃陂麻城注意東趨陳得才後股又由馬平
港平林市廣水續至再犯黃孝其前股已過黃
安有往麻城者有至羅山黃陂站者該逆分股
乘虛東下此時蘄水麻城黃岡均形喫重現飭
成大吉楊朝林石清吉周鳳山各軍從黃陂麻
城迅速前進或迎頭截勦或跟蹤追擊兼顧繞

竄黃州之路黃州早設有防兵二營駐紮郡城
又調派梁洪勝五營前往協助丁長春曾紹霖
礮船已駛入黃郡湖河之內外江有李濟清水
師一營設有緊要上游礮船皆可順流而下軍
情瞬變布置難以豫定仍應相機調度不敢拘
泥惟楚境北路多山南路多水馬隊難於施展
至德安黃孝之間地始平坦又爲賊蹤中阻我

軍由南北兩路節節進逼隨棗鍾京天應雲孝
安應各郡縣已無賊蹤全股趨重黃陂以東黃
安麻城黃岡之間儻得大兵四集可冀聚殲惟
接據姜玉順報稱四月二十五日起程由潼關
靈寶一帶前進藍斯明等尙無起程確信目下
賊衆兵單不敷分布幸僧格林沁統帶馬步各
營於隨州兩戰大捷賊勢稍衰其武漢等處人

心尙屬鎮定兼有唐訓方在省辦理城防事宜
可以無慮臣已於五月十二日拔營至孝感一
帶不日卽往黃陂嚴督水陸前敵各軍趕緊前
進至下游江路已有彭玉麟親率水師駐紮九
江湖口聯絡鄂防並分巡田家鎮等處陸路如
皖之潁六廬巢已經會國藩派兵扼紮懷遠鳳
陽臨淮以下等處亦經會國藩咨商喬松年吳

棠楊岳斌酌量派兵守禦儻該逆盡行東下鄂
軍出境窮追會合江皖水陸之師必收夾擊之
效奏八

上命議政王軍機大臣傳諭僧格林沁官文曾國藩
富明阿吳棠喬松年張之萬唐訓方曰髮捻前股
由黃陂竄徧漢口經水陸官軍扼要布置賊蹤遠
遁其竄孝感雲夢之賊復由黃陂麻城注意東趨

陳得才一股亦向麻城羅山全數下竄官文現飭
成大吉等合力截剿並於黃州等處妥籌扼堵與
僧格林沁昨日所奏情形大略尙無歧異此股髮
捻闖入楚疆經僧格林沁督帶馬步於隨州兩戰
大捷楚軍復分投截殺賊勢敗竄惟楚境北路多
山南路多水馬隊難於施展至德安黃孝之閒地
始平坦又爲賊蹤中阻未能聚而殲旃僧格林沁

昨奏有賊蹤東趨卽拔隊迎剿之語此時賊匪全股趨重黃陂以東黃安麻城黃岡之間儻得馬隊勁兵迎頭截擊必可大挫兇鋒著該親王偵探賊蹤相機妥辦官文現派成大吉楊朝林石清吉周鳳山各從黃陂麻城迅速前進或迎頭截剿或跟蹤追擊兼顧繞竄黃州之路並拔營至孝感一帶督剿卽著督飭成大吉等星夜跟追仍設法繞出

賊前會合江皖各軍痛加勦洗毋令賊匪一意東趨又成尾追之勢至由陝調楚各軍除孟宗福等六營因梁逆竄出大峪口偏近西安經穆圖善等留陝防勦外其姜玉順等所部各營業經分起由豫赴楚著官文飛速催提飭令分投進兵毋少延緩皖北接壤楚境六安首當其衝前據喬松年奏蔣凝學駐守六安共有六營並令王才秀所部駐

三河尖接應其壽州定遠廬巢鳳陽一帶亦各派
兵駐守現在賊蹤逼近防兵究嫌單薄著曾國藩
喬松年妥籌布置酌量添調兵勇扼要防剿毋稍
疏虞其陳國瑞英翰兩軍並著僧格林沁喬松年
恪遵昨日諭旨催令帶隊駐紮正陽探蹤迎擊毋
落賊後富明阿仍遵前旨酌撥江北勁旅察度地
勢扼紮上游以資協剿徐宿清淮一帶著吳棠加

意籌防以期有備無患逆竄光羅一帶商城固始均屬喫緊張之萬當催令張曜等督率所部會合僧格林沁之軍相機勦辦唐訓方已抵署任武昌等處防守事宜並著嚴密妥籌以防回竄

官文又奏冒統帶新鳳中營之參將蔣榮華防守棗陽不能約束勇丁滋擾地方且性情浮動不知振作總兵梁洪勝統率六營防守天門一

帶接仗互有勝負該營在九真廟被圍官弁勇
丁傷亡至四百餘名之多雖奮力衝出究屬咎
無可辭且紀律不嚴勇丁不免騷擾道員梁作
楫紮營鄖陽鄖西屢有戰功因距省較遠所稟
賊數以少報多語近粉飾當此攻勦喫緊之際
未便稍事姑容相應請

旨將參將蔣榮華卽行革職仍留軍營差遣以觀後

效總兵梁洪勝道員梁作楫均請摘去頂戴以示薄懲奏入

上諭內閣曰參將蔣榮華不能約束勇丁致令滋擾地方且性情浮動不知振作總兵梁洪勝統帶兵勇勦賊紀律不嚴官弁勇丁多有傷亡道員梁作楫所稟賊情以少報多語近粉飾蔣榮華著革職留營以觀後效梁洪勝梁作楫均著摘去頂戴

同日江甯將軍富明阿奏言軍興以來各路軍營無不募勇現在浙江等處連拔堅城湖州金陵皆成孤注指日肅清後各路勇丁數皆巨萬自必紛紛裁撤招勇易而裁勇難稍不得法卽滋後患臣去年督兵皖北竊見蒙穎鳳泗之閒曠土閒田比比皆是屢經奉

旨飭查各省荒田逆產爲興屯之法果能盡心查辦

既可招集窮民更可安置散勇一舉而數美皆備皖北固多曠土江浙千餘里一片荒蕪亦當開墾應請

旨特派賢能大員假以事權認真查辦不得視爲具文抑臣更有請者逆匪煽亂以來甘心從逆者固多而被賊裹脅急思反正者亦屬不少第陷賊既久蓄髮過長恐投誠萬無生理中懷疑懼

遂致觀望遷延現在金陵城中逆黨尙多及楚
豫江西大股爲數亦衆如宣布

朝廷浩蕩之恩凡有設計獻城或擒斬首逆立予
破格之賞其賊中附從但能反正投誠卽蓄髮
較長均准薙髮免死並以牌照路費資遣回籍
攜帶家屬貲財悉予本人不准兵勇搶奪如此
廣爲曉諭賊勢一解逆首就擒必易卽或賊渠

狡獪各路騰山重兵合力兜剿亦可指日廓清
臣愚昧之見可否

飭下各省督撫及統兵諸臣妥籌辦理之處出自
聖裁奏入

上命議政王軍機大臣傳諭曾國藩左宗棠楊岳斌
富明阿吳棠李鴻章喬松年沈葆楨曰自來軍務
將竣遣撤勇丁不得其宜每滋後患若於屯田之

中妥籌安插自可一舉兩得惟是有治法尤貴有
治人著曾國藩左宗棠李鴻章喬松年吳棠嚴飭
所屬地方各官悉心酌覈妥議章程派委賢能地
方官實心經理不可意存畏難亦不得草率敷衍
務令招集窮民安置散勇有條有理經久可行方
爲妥善至解散賊黨一節屢經明降諭旨寬其脅
從其真心來歸者無不立沛恩施但恐陷賊既久

之人疑投誠必無生理賊遂因其疑而固結之以致垂破之城難於攻拔現在金陵城中逆黨尙多楚豫江西大股爲數亦衆用特再降諭旨著江浙等省各督撫統兵大臣於奉到此旨時刊刻謄黃剴切曉諭務在寬其格而予以自新堅從賊者反正之心卽以破賊固結之計賊勢自必瓦解至賊渠狡獪或有假冒含混乘機生變等事亦不可以

不防惟在該督撫及統兵大臣等妥籌辦理

上諭內閣曰國家命將出師翦除兇逆原期與吾民
共樂昇平其甘心從賊者固爲法所難容而殲厥
渠魁脅從罔治凡被賊徧脅而悔罪自新者皆在
可矜可赦之列前經屢諭各路統兵大臣令於誠
心歸順者勿論從賊久暫均准一律投誠各該大
臣亦能仰體朝廷好生之心妥爲辦理故大軍肅

清蘇浙兩省收撫甚多凡率衆來歸殺賊反正者
類皆寬其既往咸與維新此被陷難民所當共聞
共見現在金陵合圍指日可克若俟城池旣拔則
玉石俱焚雖悔何及亟宜及早省悟自覓生機惟
念其間有久陷賊中隱懷疑懼未能自拔者用是
再行剴諭嗣後如有設計獻城檢斬首逆卽立予
重賞其有從賊已久蓄髮較長但能誠心歸順均

准薙髮免死給予牌照路費資遣回籍攜帶眷口
貲財悉歸本人兵丁不得搶奪無籍可歸妥爲安
置如私行殺害劫奪財物卽將該兵勇按照軍法
從事並將該本管官從重懲辦各處投誠難民均
照此一律辦理著各路統兵大臣各省督撫卽將
此旨刊刻張貼徧行曉諭務令身陷賊中者咸知
朝廷寬大之政益以堅其向化之心用副覆幬生

成至意

同日

上諭內閣曰本年髮捻各逆竄擾楚豫交界僧格林沁親督所部兵勇轉戰而前所向克捷洵屬勩勞懋著因念近日天氣炎蒸該大臣冒暑督兵不辭勞瘁允宜優加賞賚以獎忠勤著發去黃紗馬褂料二件金表一對玉柄小刀一把火鐮一把鼻煙

一匣茶葉二匣派伯彥訥謨祜馳驛親齋前往軍
營交僧格林沁祗領並傳諭該大臣爲國宣勞尤
宜善自愛護以隆倚畀

欽定勦平粵匪方略卷三百七十九 甲子年

五月二十四日 癸亥 張之萬奏冒逆匪大股盤踞

宣化鎮意在久踞分股圍撲生生寨窺伺羅山
縣城當經副將徐連陞於五月初一日銜枚疾
進知縣趙祖蔭等集團接應都司巴振德等各
督馬隊三路進勦襲殺甚多乘勝直擣宣化鎮
賊巢匪衆不及抵拒盡向東南狂奔我軍分投

追殺計斃悍賊七百餘名生擒二十餘名其敗
匪竄至何家畝新店集等處又經光山縣知縣
鄭錫濂督率勇丁迎頭擊敗竄徙山河堡地方
查前股髮逆僞端王藍矮子與捻匪陳大濤合
股現已竄至黃州下巴河盤踞二股髮逆僞遵
王賴汶洸與捻匪張總愚合股亦由黃陂縣竄
至黃州境內三股髮逆僞扶王陳得才與捻匪

張佃江合股自安陸之阜市集竄至應山之羅
家店盤踞亦有東竄黃州之勢此時髮捻各股
趨重黃州豫境光羅等處亦尙有賊窺竄是日
下東南一路尤爲緊要急須挑選精壯會同勦
洗臣卽飭副都統色爾固善善慶總兵張曜宋
慶統帶馬步各營馳援東路由南陽陸續前進
馳赴光羅一帶出境援應並會同楚軍認真勦

辦務將各股設法殲除至僞啟王梁城富一股
遊駛商州境內與浙川相距不遠雖有陝軍幾
艱難保不再東竄臣已改派副將張士元一軍
駐紮浙川嚴防西路一面嚴飭東路各軍激勵
將士剋日奏功奏入

上命議政王軍機大臣傳諭穆圖善張之萬劉蓉德
興阿曰前因髮逆竄至豫東疊諭張之萬督率官

軍妥籌防剿現在宣化鎮賊巢雖經副將徐連陞
等督帶兵團立時攻克而賊蹤仍在光羅境內必
應乘勝痛剿張之萬現飭色爾固善等統率馬步
各營馳援東路所辦甚合機宜著飭該副都統等
迅速馳抵光羅一帶出境接應會合楚軍認真剿
辦敢逆梁城富一股前據穆圖善劉蓉奏該逆竄
出大峪口逼近西安請留孟宗福等六營助剿迄

今已逾旬日尙未將陝軍接仗情形馳奏此次張之萬摺內所稱梁城富一股遊駛商州境內與浙川相距不遠是此股匪徒業由西安回竄張之萬已派副將張士元等駐浙嚴防並著穆圖善劉蓉德興阿迅速派兵追擊兩而夾攻毋令賊蹤竄逸同日徐宗幹奏言據署臬司徐曉峯道員張啟煌稟報前由建甯甯化兩路竄出之賊分爲兩

股一入將樂縣境經遊擊李世進在黃潭地方
乘其過河半渡截擊獲勝一入歸化境內經該
縣知縣金士棠等帶兵敗於五里橋四月初四
日賊復回竄建甯縣境於初五日黎明直入南
門該縣知縣陳聯魁正在北鄉召集團丁聞警
後率領兵勇馳回將城外之賊擊退卽奪門而
入殺斃無算該逆仍由江西新城一路竄去另

股於四月十三日復由宣化中沙地方回撲甯
化縣城該縣知縣董基瑛會同都司吉勒圖堪
等於十四日出城接仗有馬賊數百繞道從南
門蠶擁而入署汀州鎮總兵趙漣先期飛調留
防歸化之軍馳往救援一面添派本標兵二百
餘名與董基瑛等合隊齊抵城下該逆出城衝
突被我軍殺傷過半餘匪由中沙向江西石城

一路逃去查浦城至汀州綿亙千里關隘數百處均與江西接壤先後調撥兵勇統計已有萬餘人然僅敷分布守禦未能出境會勦聞左宗棠所派道員康國器一軍已自浙起程計日可到仍委員赴粵迎催臬司張運蘭統師來閩一面飛咨署提督曾玉明與林文察督率所部將士迅速內渡會合江西官軍合力兜剿以期一

鼓聚礮並嚴飭徐曉峯等督飭在防文武嚴密
設防相機截擊此次建甯甯化兩城復被賊襲
入該文武卽日擊退可否免其置議出自

聖恩其各屬防勦尤爲出力官紳一併存記俟確查
分別請獎縣丞董鍾麟署漳州右營守備千總
林吉祥外委呂起濱監生王雲興生員徐建侯
勇首毛元恆禦賊捐軀殊堪憫惻應請

飭部從優議卹奏入

上命議政王軍機大臣傳諭左宗棠毛鴻賓徐宗幹
郭嵩燾曰建甯甯化兩城甫經收復何以賊匪回
竄又復失陷徐宗幹於軍營重事毫無布置派出
各員又復不能得力致賊氛一至城卽被陷以萬
餘兵勇各路分防而任賊往來自如曾不能一爲
堵截乃以被賊襲入隨卽擊退爲詞請將該文武

等免議如此辦事顛預安能整頓戎行保守疆圉
徐宗幹著傳旨申飭所請將文武各員免其置議
之處著不准行仍著該撫查明失事各員嚴叅懲
辦不得再有粉飾自取罪戾此次禦賊捐軀之縣
丞董鍾麟署漳州右營守備千總林吉祥外委呂
起濱監生王雲興生員徐建侯勇首毛元恆均著
交部從優議卹此股賊匪向江西新城石城竄去

難保不去而復來徐宗幹當嚴飭徐曉峯張啟煊等實力堵禦如再被賊闖入蹂躪地方該撫等恐不能當此重咎也浦城汀州等處關隘甚多兵以分防見單前諭該撫檄調曾玉明林文察帶兵內渡併力剿賊著催該員等迅速內渡會同江省兵勇合力兜剿不得再有遲滯康國器一軍計日可到仍著飛催前進現在閩省防剿喫緊毛鴻賓郭

嵩燾當懷遵屢次諭旨迅飭張運蘭督帶所部剋
日赴閩毋許逗留徐宗幹當會商左宗棠就現有
兵力嚴密防堵或分兵出境會剿均當認真籌辦
毋得再誤事機

二十五日甲子李鴻章奏臣因湖州賊氛尙熾

派道員潘鼎新各營由平望分紮南潯震澤尙
嫌單薄復令劉秉璋派聶桂榮等水陸五營往

蔡溪湖之吳淩互相聯絡詎五月初七八等日
湖州踞賊僞立王黃汝英等糾衆數萬已竄踞
吳淩擾及陸家灣殷瀆村丁公橋一帶道員潘
鼎新等派撥隊伍齊進立將丁公橋天到橋賊
卡攻燬初九日潘鼎新馳赴南潯督軍分路兜
殺追至殷瀆村因雨收隊哨長汪本立追賊死
之初十日唐宏成等由湖塘直趨吳淩聶桂榮

等由丁公橋攻殷瀆村而以丁壽昌等繼之先將吳淩之賊卡攻破各軍追殺至天到橋口賊復傾巢出撲水師徐道奎聶桂林沿岸環攻該逆棄械狂竄我軍卽紮天到橋探明殷瀆村路徑十一日各營齊進三面要擊斃賊無數又將殷瀆村二壘攻燬其李朝斌太湖水師經臣商調於初九日抵長興縣屬之夾浦口該處踞賊

於象公廟前後堅築大石壘二座防守周密李朝斌分兵兩路猛進陣斬僞列王江逆前後兩壘一時齊破殺賊無算各營分紮要隘以防廣德四安援賊十一日郭松林等拔赴長興遂將東門外上莘橋跨塘橋兩卡埽平徧紮城下查浙軍現紮湖州塘南此次踞逆大股出撲意圖直犯南潯震澤冀掣浙軍後路並擾蘇防經我

軍攻燬其巢兇鋒已挫惟楊淩等處踞逆尙多
與吳淩毗連時出肆擾沿湖尙無水師依倚臣
已飛咨李朝斌酌撥二營前往兩面兼顧仍飭
潘鼎新穩紮穩進長興踞賊旣失夾浦要口其
氣已奪現今郭松林等合力猛攻速克此城則
湖逆竄路將斷或可得手

李鴻章又奏言臣於攻克常州後未敢遽議協

勦金陵一以臣部兵將苦戰經年傷病疲乏未
得休養若遽令遠出誠恐再衰三竭無裨大局
一以曾國荃全軍兩年圍攻一簣未竟屢接來
書謂金陵所少者不在兵而在餉現開地道十
餘處約有數處五六月間可成如能及早轟開
自必無須協助又疊准曾國藩咨緘屢令派兵
接防句容東壩溧水高淳各處又准左宗棠咨

商撥兵進規長興以掣湖州賊勢臣因湖郡賊氛尙熾實爲蘇省切近之憂應先派勁旅進規長興協取湖郡俟湖州克復門戶穩固然後分兵會圖金陵方無後顧之慮是以揀派郭松林劉士奇王永勝楊鼎勳等軍會攻長興現已進逼城根勢難遽行撤動而蘇常新復各郡縣內防湖州竄匪外堵金陵竄路節節設守未可一

處空虛常勝軍裁遣後松滬腹地亦應籌備臣
固未可遠離臣之兵力亦僅勉支堵剿至臣部
礮隊向稱得力者一則常勝軍礮隊向係洋弁
管帶現始派員接管須操練三五箇月漸求精
熟方可派出攻剿一則提督程學啟所遺礮隊
內有大礮三尊可以攻城現爲王永勝劉士奇
帶往長興一則提督劉銘傳礮隊大礮少而小

礮多僅能攻營劫寨前攻常州時臣調齊三軍
礮隊分門合攻月餘乃下金陵城大而堅洪李
各逆負固老巢非嘉興常州可比曾國荃地道
如轟不開必須礮隊協助則臣處所有礮隊須
全調前往方能得力目前常勝軍所遺礮隊既
未練成程學啟所遺礮隊已往長興劉銘傳近
在句容亦擬添配礮位操練兩月再行攻剿除

由臣督飭各軍趕緊操習一面多製炸彈廣儲
攻具聽候調撥外擬請俟湖郡克復蘇防稍鬆
再飭協攻金陵以求有濟仍隨時咨商曾國藩
曾國荃酌度辦理奏入

上命議政王軍機大臣傳諭左宗棠李鴻章曰李鴻
章分勦湖郡之師駐紮南潯震澤等處僞立王黃
汝英等糾眾竄踞吳淞擾及陸家灣一帶道員潘

鼎新等派隊敗賊於丁公橋等處復將吳淞殷瀆
村賊卡賊壘攻燬其李朝斌進攻長興水師壘破
夾浦口堅壘郭松林等陸營復將東門外上莘橋
等處賊卡掃平偪紮城下勦辦甚爲得手湖郡賊
勢甚重左宗棠進勦之師尙未偪城此次該逆大
股出撲希圖直犯南潯震澤以掣浙軍後路並擾
蘇防逆謀甚狡李鴻章務飭水陸各營互相犄角

毋爲該逆所乘一面飭李朝斌郭松林等合力猛
攻迅將長興縣城克復酌量派兵駐守卽飭諸軍
乘勝會合浙師迅拔湖州盡殲醜類惟兩省共辦
一事誠恐所部將領各存意見忌功避嫌均所不
免現當全浙漸就肅清湖州一城已成孤注而悍
賊屬集尤須各軍併力迅圖蕝事左宗棠李鴻章
務飭各營將士同心協力早拔名城一俟大功告

竣蘇浙官軍皆當同膺懋賞前諭李鴻章派撥勁
旅協剿金陵茲覽該撫所奏以滬軍協攻湖郡分
防句容東壩高淳溧水等處兵力難分常勝軍及
程學啟所遺礮隊並劉銘傳礮隊或派往長興或
訓練未成均難助剿自係實情惟金陵功在垂成
城大而堅未易猝拔曾國荃所掘地道前次攻破
外圍復爲該逆堵築非添集得力礮隊勢難早奏

唐公仍著李鴻章督飭各軍趕緊操練廣儲攻具
一有成效卽飭迅赴金陵協同進剿以蕲全功該
撫能否親往金陵之處屆時再行酌量辦理

同日劉蓉奏言蔡逆勾通髮逆後隊竄偏省城
經我軍屢次進擊該逆遂由子午鎮澧河竄踞
鄆縣西南兩關意圖攻撲縣城五月初十日總
兵彭基品追抵東關督隊進擊該逆力不能支

紛紛敗入澇峪口傷斃悍逆二百餘名鄆縣城圍立解其另股傍山西竄者復經金順馬隊疊次衝殺約斃賊七八百名該逆合股竄踞澇峪口適臣檄調之彝字營黃鼎已由江口馳抵鄆縣十一日商同彭基品分路邀截該逆緣山向西奔竄我軍追至距澇峪口三十餘里之千戶村該逆前後擁擠一齊搶上山梁旋復捨命撲

下分股從林中抄出我軍首尾受敵爲之小挫
彭基品激勵諸軍賈勇復進賊卽敗竄金順馬
隊亦於是日由北路索家莊追勦該逆正踞整
屋之祖菴馬隊卽從東西北三路奪門而入槍
箭齊施該逆由南路逃出我軍追殺數里共斃
賊二百餘名該逆遂竄終南鎮分踞田峪口慈
峪口等處現經 臣 檄飭英毅六營會同黃鼎所

部從渭河北岸徑趨郿縣繞出賊前先扼大散
陳斜谷各口迎頭截擊斷其竄越隴蜀之路並
飛催蕭慶高督湘果中軍迅由甯陝出子午峪
趨郿縣躡賊之後適值穆圖善派赴湖北之後
起六營亦由潼關折轉西安可期會師由盩厔
前進臣現定於二十日出省親督各軍相機扼
勦並咨李雲麟徑率所部進駐漢中分扼華陽

佛坪留壩各要隘以遏奔竄

劉蓉又奏冒據探髮逆僞扶王一股被河南官軍擊敗竄往鄆西衆約二萬人意圖與僞啟王合股已於四月十二三日由漫川關竄至鎮安地界距鳳凰嘴不遠當飭派防商州之鎮西軍及山麻坪調來之湘果右軍前往堵截猶恐賊衆我寡復咨李雲麟由洵陽派兵會剿現據湘

果右軍營官唐友勝稟稱該營正在前赴鎮安途次探悉該逆竄至鳳凰嘴經鎮西軍鄔太愚雄毅軍劉縉等率師迎勦將逆股擊敗回竄鄂境等語查僞扶王陳得才業已竄往下游當無敗竄鄖西之事此起逆匪究係何股容俟查明詳細情形再行具奏奏入

上命議政王軍機大臣傳諭穆圖善德興阿劉蓉李

雲麟曰蔡逆勾通髮逆由子午鎮澧河竄踞鄂縣西南兩關另股西竄之賊與該逆合股經澆峪口遁入盩厔之祖菴被官軍追殺賊竄終南鎮及田峪口慈峪口等處劉蓉現飭英毅六營會同黃鼎趨郿縣繞出賊前蕭慶高趨郿縣躡賊之後穆圖善潼關折回之後起六營由盩厔前進著卽嚴檄派出各軍分路進攻痛加掃蕩以收聚殲之效並

會商穆圖善德興阿協同防剿昨據張之萬奏僞
啟王梁城富一股遊駛商州境內與浙川相距不
遠茲據劉蓉奏僞扶王陳得才與啟逆合股已至
鎮安經官軍擊敗回竄鄂境等語此次竄鄂之賊
究係何股與張之萬所奏殊出兩歧著劉蓉查明
迅速具奏匪蹤剽疾異常難保不由漢窺川著李
雲麟統率所部進駐漢中分扼華陽佛坪留壩各

要隘力遏該逆竄川之路毋得稍有疏失貽患鄰
疆

二十七日

丙寅 穆圖善奏 臣奉

旨援鄂正在部署起程忽聞附省山口之外已有賊
蹤據各路偵探此股賊匪實係蔡逆勾合偽啟
王梁逆由南山開道而來沿路裹脅山民衆逾
兩萬復准李雲麟來咨蔡啟兩逆合股北竄因

所部諸軍米糧缺乏不得不折回興安採買米石等語臣部頭二兩起官兵計已馳抵襄樊一帶卽譚仁芳所部四營及常星阿等馬隊亦當早入豫境飛調有所不及不得已將孟宗福四營黃金山劉定邦兩營由潼關星夜調回已於五月十六日一律抵省當與撫臣密商寇氛密邇惟有持以鎮靜庶免民心驚惶現在該逆全

數西竄盤踞整厓各處村堡雖官軍追勦獲勝
尙未大受懲創撫臣所謂湘果諸軍近日陸續
趕到撫臣卽於二十日出省親赴西路督軍進
勦臣兵力雖單斷不敢稍存膜視亦定於二十
一日出省會督金順馬隊併力攻擊迅掃狂氛
總兵曹克忠因病就醫進省該鎮久厯戎行聲
威夙著臣與撫臣商令統帶撫標英毅八營新

招兩營會同剿洗

同日李雲麟奏言漢中髮逆前竄河南南陽地方經親王僧格林沁擊敗後中旗及啟逆二股竄入鄆西復經英毅等軍追剿遂率其死黨二萬餘人由鄆西之上津大壩竄至大小心川與蔡逆合股由鎮安之大坪鳳凰嘴向孝義江口晝夜疾趨臣本擬親率全軍跟蹤追擊因彼時

興安上下被賊日久米麩雜粟收括無遺各營
軍糧均須赴襄樊竹山採辦轉運需時因此停
兵待糧數日而該逆已於五月初一日竄至孝
義之東江口查江口西至佛坪爲入川要道當
時省城一帶多隆阿駐有重兵斷可無虞惟慮
其由閒道急趨漢中遂飛咨提督蕭慶高何勝
必率湘果中右兩軍與彝字各營於甯陝石泉

一帶相機截剿臣卽率所部移往興安石泉與

蕭慶高何勝必等共商會剿正在布置閒旋准

撫臣劉蓉咨稱該逆竄出大峪口直擾西安距

省城三十餘里盤踞兇熾頗張而多隆阿部曲

悉數派赴鄂豫無兵可撥飛咨臣迅率所部兼

程而前擊賊後路因查由興安入省計程七百

餘里非十餘日不可而沿途無糧艱窘更難言

狀然省城爲根本重地不得不極力圖維現飭
署興安府知府謝復榮督飭各廳州縣湊十日
軍糧卽日馳援省城斷不敢稍有遲緩如進援
之後賊復他竄亦當視賊所趨會同湘果兩軍
跟蹤躡剿均奏入

上命議政王軍機大臣傳諭穆圖善德興阿劉蓉李
雲麟曰昨據劉蓉奏蔡逆髮逆合股被官軍擊敗

賊竄終南鎮及田峪口慈峪口等處當經諭令穆圖善等實力防剿現在湘果諸軍陸續趕到業經劉蓉督帶出省親赴西路剿賊穆圖善亦擬即日由省會督金順馬陔併力攻擊卽著穆圖善劉蓉相機會剿迅殄狂氛省城防守事宜著德興阿督同在城文武嚴密布置不可稍有鬆勁此時穆圖善劉蓉已出省追剿省防情形稍鬆李雲麟一軍

如再前赴西安則興漢一帶空虛恐該逆乘閒回
竄窺伺川疆李雲麟著仍遵前旨統率所部進駐
漢中分扼華陽佛坪留壩各要隘力遏逆匪竄川
之路該京卿旣貽誤於前儻再不奮勉圖功致令
此股賊匪旁竄紛趨自問當得何罪

同日喬松年奏言探報孝感逆匪竄擾黃陂黃
安等處麻城一帶亦見賊蹤該處距英霍兩縣

不遠六安一城有蔣凝學駐守兵力究嫌單薄
適准陳國瑞咨稱已派總兵郭寶昌帶前隊二
千五百人來皖擬赴壽州正陽駐紮聽調臣以
軍情緊要當飭郭寶昌卽日帶領所部馳赴六
安會同蔣凝學妥籌防剿如賊蹤竄近英霍卽
可會合剿擊陳國瑞由徐州起程尙無確期現
已催其迅速前送俟該總兵到時或紮英霍或

紮六安再當妥籌布置皖省兵數單弱前由直隸撥來之陳飛熊一軍業經遵

旨催提其鎮營兵勇四千人如盡屬精銳自應趕緊咨調惟鎮營得力之兵均已分戍金壇丹陽兩城其餘恐多疲乏無裨實用俟臣與曾國藩定議後再移咨馮子材仍行遣撤其常星阿一軍卽能抵豫如僧格林沁攻勦喫緊亦恐一時未

能分撥昨據富明阿奏請將克蒙額馬隊調揚
奉

旨令臣酌量辦理查臨營馬隊雖僅八十餘人自挑
汰後尙爲精壯以之領袖各營足資表率臣已
咨行富明阿仍遵

旨俟常星阿馬隊到後再行調往庶於防剿稍有裨
益至臨鳳壽正各隊經臣督飭逐日訓練未敢

稍涉疏懈奏入

上命議政王軍機大臣傳諭喬松年曰前因楚北賊勢東趨六安等處防兵較單曾經諭令添調兵勇扼要防剿其陳國瑞一軍卽令駐紮正陽以資扼守現在逆匪竄擾黃陂黃安等處麻城一帶亦見賊蹤該處皆距英霍不遠喬松年已飭陳國瑞所派之郭寶昌帶領所部馳赴六安會同蔣凝學協

力防剿兼顧英霍所籌尙妥著卽飭派出各軍認
眞堵剿儘逆蹤竄近英霍合力截擊以剿爲防毋
令東竄並催陳國瑞迅速前進或紮英霍或紮六
安擇要駐防妥籌調度陳飛熊一軍著催提到防
以厚兵力鎮營兵勇旣恐不能得力卽著咨商曾
國藩辦理克蒙額馬隊旣據喬松年稱其強壯可
用著准其暫留臨淮俟常星阿馬隊到後再行調

回揚營駐紮臨鳳等處各隊著督令逐日訓練以備不虞

二十九日戊辰曾國藩奏言蘇常攻克後臣本擬

咨請李鴻章親來金陵會勦特以該撫係封疆將帥之臣又值苦戰積勞之際非臣所敢奏調是以未及具疏上陳函詢臣弟曾國荃亦以師久無功愧懷無地不敢更求助於人近於畏難

卸責始勤終怠者之所爲乃兩月以來百計環
攻偪城太近我軍傷亡至四千餘人之多所挖
地道十餘處已被該逆從內掘出穿透三洞此
外諸洞亦難奏效前聞賊糧於五月罄盡近來
城中收割新麥又可支持數月是埽穴捨渠之
期尙無把握而曾國荃焦勞致疾飲食漸減餉
項奇窘尤爲可慮聞蘇軍火器精利長於攻堅

臣於五月十一日始咨調蘇軍郭松林劉銘傳
兩鎮酌帶開花礮位輔以槍隊就近助攻金陵
然猶未敢請李鴻章親來也今蒙

飭下李鴻章親督各軍西來會剿臣已恭錄

諭旨具咨加函催令速赴金陵與曾國荃會商剿辦
前接李鴻章來函言蘇軍將士太勞宜稍休息
待攻克長興湖州再行選將撥兵助攻金陵等

語合無額懇

天恩飭催李鴻章迅赴金陵俾金陵早破一日天下
之人心早安一日實爲至幸臣飭鮑超速援江
西十七日已至九江飭黃翼升速回金陵接統
楊岳斌外江水師仍俟楊岳斌行抵江西換出
彭玉麟所部師船駛赴下游謹遵會籌金陵之
命仍須回顧上游兼防鄂省東下之賊臣於三月間

本欲前往金陵督勦旋因徽州告警迄不果行
此次湖州羣賊已竄過鄂皖交界之馬鞍山英
霍潛太等縣一蹴卽至安慶省會重地防兵單
薄刻下未可暫離擬俟北岸軍事稍鬆臣於六
月親赴金陵會同李鴻章彭玉麟曾國荃籌商
攻勦儘屆時安慶警急亦卽乘坐輪船星夜上
駛總當兼權緩急量而後動斷不敢顧此失彼

致煩

宸廑奏入

上命議政王軍機大臣傳諭曾國藩左宗棠李鴻章
曰據曾國藩奏稱蘇常攻克後本擬咨請李鴻章
親來會剿惟以封疆將帥之臣值苦戰積勞之際
未敢奏調金陵兩月以來百計環攻偪城太近我
軍傷亡至四千餘人之多所窵地道亦難奏效賊

糧仍可支持數月曾國荃焦勞成疾飲食漸減餉
項奇窘尤爲可慮該大臣已咨調郭松林劉銘傳
就近助攻請飭催李鴻章速赴金陵俟北岸軍事
稍鬆於六月親赴金陵籌商攻勦等語具見視國
如家不分畛域之意前據李鴻章奏滬軍協攻湖
郡分防句容東壩高淳溧水等處兵力難分常勝
軍及程學啟所遺礮隊並劉銘傳礮隊或派往長

與或訓練未成擬添配礮位操練兩月俟湖郡克復再行協攻金陵嘗經諭令該撫督飭各軍趕緊操練廣儲攻具一有成效卽飭迅赴金陵能否親往屆時酌量著仍遵前有督催各營認真操練多製火器攻具並於所部各營內挑選精壯便捷善於攻城者二三千人卽交劉銘傳等帶赴金陵其郭松林一軍現在助攻長興能否撥往並著李鴻

章酌度調派長興一城最關緊要如能卽日克復
蘇省防務自可稍鬆該撫或俟長興得手後統率
諸軍助攻金陵不必定俟湖州克復左宗棠自入
浙以來戰勝攻取確有把握吳興一郡諒不難剋
日攻拔著卽督飭諸軍設法攻克務須就地殄除
勿任窮蹙他竄楚賊刻思東犯英霍一帶已覺喫
緊去安慶不遠曾國藩自未可輕離根本之地著

俟上游軍勢漸平卽赴金陵督師俾各路將帥有所稟承以葳全功曾國荃積勞致疾聞之深爲塵念該大臣務卽傳知該撫善爲調攝金陵城大而堅賊悍且衆因獸之鬪不可不防當飭該撫拊循士卒兼須整飭營規以防竄突不可稍涉大意

三十日己巳喬松年奏言查現調陳國瑞前部之

郭寶昌一軍已經行抵懷遠暫爲駐紮陳國瑞

函稱於五月十九日由徐州起程從泗州水路
前進數日閒可抵臨淮一俟到臨卽視潁六一
帶何地緊要查照僧格林沁來咨商令馳往駐
紮相機防剿其蒙亳六安等處業飭在防各軍
嚴密布置並確探賊情隨時稟報僧格林沁俾
得統籌調度其鎮營兵勇四千人前以未能得
力毋須調皖一面函商曾國藩一面卽經陳奏

現准曾國藩來咨意見相同臣已咨照馮子材等妥爲遣撤至陷陣衝鋒馬隊最爲得力現在克蒙額一營人數太少欽奉

諭旨令富明阿酌撥江北勁兵豫備援應查揚營管帶馬隊之副都統富陞素稱勇敢其馬隊亦皆精銳現在楚中之賊斷不能越皖境而至揚州是揚防鬆而皖防急若將此軍調赴皖北與克

蒙額合紮一處尤爲得力可否仰懇

飭下富明阿將富陞所帶馬隊暫撥前來以資助剿
於皖省防務大有裨益一俟軍務稍鬆仍卽飭
回揚營奏入

上命議政王軍機大臣傳諭富明阿馮子材魁玉喬
松年曰陳國瑞一軍業於五月十九日由徐州起
程現在諒已行抵臨淮著喬松年與之會商並稟

商僧格林沁酌度緩急何路緊要卽飭該總兵扼
要防剿該撫仍當隨時督飭各軍與之聯絡聲勢
以期周密一面偵探賊情飛咨僧格林沁以便該
大臣赴皖督剿鎮營兵勇四千人旣經該撫與會
國藩咨商恐其不能得力卽著馮子材魁玉妥爲
裁撤惟不可令其羣聚一處致生事端若散遣不
得其法貽後日地方之患惟馮子材等是問前令

富明阿酌撥江北勁旅豫備援應皖北若有警信
非馬隊不能得力副都統富陞素稱勇敢所部馬
隊亦皆精銳著富明阿卽派該副都統督帶馬隊
馳赴臨淮一帶與克蒙額合紮一處現在楚賊東
竄斷不能越皖境而至揚州是揚防鬆而皖防急
該將軍卽趕緊調撥不得稍存畛域之見俟皖防
無事再行調回揚營